

جریدہ علمیہ

مشیت جلیلہ اسلامیہ مکہ جریدہ رسیہ سید

ربیع الآخر ۱۳۳۴ [*]

عدد: ۶۶

آیدہ بر نشر اول نور

اوپن جی سنہ

قوا خانہ عالی قرار لری

غائب اوزرینہ نفقه تقدیری حقنדה [*]

ماده : ۲۵۹ زوج مسافه سفر یا خود مسافه سفر دن دون بر محله غائب یا خود متواری و مخفی یا مفقود اولوبده مجلس حکمه احضاری ممکن اولسه غیابنده زوجہ سی ایچون نفقه تقدیر ایدلمسی صحیح اولور .

ماده : ۹۷ غیبت اعسار کیدر .
یعنی من علیه النفقه اولان اقرب غائب اولسه بعده غائب اقربہ مراجعت ایتک اوزره ابعد من له النفقه بی اتفاقه جبر اولور غائب کرک ابن یاب یا ام اولسون و کرک اخ اولسون و ابعد اولان حاضر موسر کرک خال و عم و کرک جد اولسون بو خصوصده کتاب النفقاتک بالاده محرر ماده لرینہ توفیقاً ایفای معامله اولنسی

★
★ ★

محکمہ نظامیہ ده ثابت بر حالک محکمہ شرعیہ ده یکیدن اثباتی حقنדה [**]

محکمہ شرعیہ ده تحقق ایدہ جک احواله کوره عمل اولنسی لازم کله جکی .

★
★ ★

[*] بوبایده سوریه ولایتی مرکز قاضیلکنک ۲۱ ربیع الاول ۱۳۳۱ تاریخی تحریراتی خلاصه سیدر :

داثره قضا خارجنده بولنان اشخاصه محاکم شرعیہ ده دعوتیه تبلیغی اصولدن بولنامقله مدت سفر بعید اولمیان قضاالرده متمکن زوجلر ایله جوار یا مدت سفر بعید قضاالرده ساکن اولوب شرعاً و قانوناً غیاباً نفقه تقدیری غیر جائز بولنان اشخاص اوزرینہ من له النفقات نسوان و صغار مثللو مصارف سفریه دن محروم عجزه تک نفقه تقدیر و اخذینہ امکان بوله ماملری تشدید سفالت و مغدوریتلرنی موجب اولمقده ایدوکی مراجعات متوالیه دن آکلاشیله قده اولدیغدن بوبایده پایله جق معامله تک امر و اشعارینہ مساعده بیورلمسی بابنده .

[**] بوبایده غربی قره آغاج قاضیلکنک تحریراتی خلاصه سیدر :

محکمہ نظامیہ تک حقوق قسمنده مرض موتنده و مدت معینده معتوهیتی تواتراً ثابت و تمیزاً صدق اولان متوفی خلیل ابراهیم آغانک محکمہ مذکورده ده ثبوت معتوهیتندن مقدم محکمہ شرعیہ ده اقامه اولنان ارث و وصیت دعواسنده متوفای مومی الیهک معتوهیتنه داثر طرفیندن بر ادعا سبق ایتمیوب مرض مذکور و مدت مزبورده واقع ثلث وصیتی وصی مختار اولان محمد خلوصی افندی مواجهه سنده بعض ورثه تک اقراریه ثابت و ثبوتنه حکم شرعی لاحق اولدیقدن صکره متوفای مومی الیهک مرض مزبور و مدت مرقومه ظرفنده آخره فراغ ایلدیکی اراضی دعواسنده ورثه دن کامل افندی تواتر بینه سی اقامه ایله پدری فارغ متوفای مومی الیه خلیل ابراهیم آغانک معتوهیتی اثبات و تمیزاً تصدیق اولدیغندن و معتوهیتی زمانته مصادف اولدیغندن بختله متوفانک ثلث وصیتنی مقرر اولان ورثه محکمہ شرعیہ ده علی موجب اقرارها تحت حکمه آلنان ثلث وصیتی اعطا و انفاذ ایتمه کده قادره اولوب اوله میه بقلرنده تردد حاصل اولدیغندن کیفیت معروضه تک استیذاننه مجبور اولام اولبایده

ابون ایچون اولاد اوزرینه مقدر اولان نفقه‌ک مبدأ و شرط استحقاق حقنده [*]
 محتاج نفقه اولان ابون ایچون اولاد اوزرینه قاضی طرفندن نفقه تقریر اولندیغنه
 واستدانه اذن ویرلدیکنه دائر برقطعه حجت تنظیم اولنوب محکوم علیه طرفندن لدی التیمیز
 اکر تصدیقه اقتران ایدرسه حجت مذکوره موجبی اوزره من له النفقه اولان کسه بالفعل
 استدانه ایتدیکی نفقات اخذه مستحق اوله بیلیرسه ده استدانه اولنمان مقداری آله میه جفی
 فتواخانه دن افاده اولمغله شقه ترقیم قلندی .

*
 **
 کفن و لحد حقنده

کفن ضرورت آنجق عجز زمانه مخصوص و فرض اولان کفن اولوب آنک دخی
 اقلی جسد میتک مجموعی ستر ایدر کفندز . یالکیز عورت محلی ستر کفایت اتمز .
 میتک حال حیاتنده ایکن کیسی جائز اولان هرشیدن کفن جائزدر . حتی میتک
 کوملکنک یقه سی اتکنه قدر یرتیلوب قوللری کسیره رک میتک جمیع جسدینی سترایتدیکی
 صورتده کفن اولور جمیع بدنی ستر ایتدیکی صورتده باشقه بز علاوه سیله اکمال اولنور .
 یکی یاخود ییقائمش اسکی بز کفن اولمقده مساویدر . فقط ارککلری صاری یاخود
 قیرمزی رنگلی بزایله تکفین مکروهدر بویکی رنگدن ماعدا هرهانکی رنگده اولور
 ایسه اولسون آنکله رجالی تکفینده کراحت یوقدر . مع هذا باشقه رنگده بولنمادیفی
 تقدیرده صاری یا قیرمزی رنگلی بزاردن دخی بلا کراحت کفن جائزدر . قبرده لحد
 یعنی قبرک قبله طرفده کی کنارینک ایچنه میت وضع اولندقدن سقفی جسدینه طوقونیه جق
 قدر اویولمق سندر . میت بو لحدک ایچنه وضع اولندقدن صوکره آغاچ یاخود کریسچ
 کبی شی ایله لحدک آغزی سد اولنوب اولدن چیقارلمش اولان طوپراق قبره القا اولنور .
 زمینده رخاوت اولوبده لحد یا عمق ممکن اولماز ایسه قبرک وسطنده ایچنه میت وضع
 اولنه جق قدر برچقور قازیلوب اطرافی کریسچ یاخود سائر شیلر ایله اوریله رک اوزری
 قبانقدن صوکره اولدن چیقاریلان طوپراق قبره طولدیریلیر . والحاصل قبره طوپراق
 طولدیرلدقه میتک اوزری طوپراقدن محفوظ اوله جق بر صورتده بولنمایدیر . یعنی قبره
 القا اولنه جق طوپراق میتک جسدینه تماس ایتمه ملیدر .

[*] بویانده قرهجه بک قضا منی قاضیلکنک ۸ جادی الاولی ۳۳۴ تاریخلی تخریراتی خلاصه شی :
 ابون ایچون اولاد اوزرینه عن الغیاب تقدیر قلنان نفقه حقی وقوع بولان اعتراض اوزرینه نقص ایدلدکدن شکره
 دیگر حکمه دن یکیدن نفقه تقدیر ایدلمش و بو حکم دخی دردست تمیز بوللمش اولسه اشبو مدت ظرفنده کذران
 اولان ایام وصفحات محاکمدن هانکی تاریخه هائذ نفقه نک اخذینه ابونک کسب استحقاق ایدنه جکنک استیذاننه
 دائردر .

ایکی کشینک برقادبندن نکاح دعواسی حقنده

متوفی علینک بروجہ محرر نکاح اول مدعاسی برنہج شرعی ثابت اولمدین وفاتی وقوع
بولدینی جہتلہ پاچہ اوغلی علینک بالینہ نکاح مؤخر دعواسنک ثبتی لازم کلیر .

*
**

مشرف خراب وقف برعقارک بعدالبیغ ثنی حقنده [*]
منزل مذکورک استبدالی اذن قاضی و ارادہ سنیہ ایلہ اولمق لازم کلہ جکنہ کورہ
بوجہتلرہ رعایت ایدلمدین واقع اولان استبدال غیر صحیح بولنمشدر استبدالہ ارادہ سنیہ نک
شر فصدورندن صکرہ نقود مذکورہ متولیسنہ تسلیم ارنلمق اقتضا ایدہ جکی .

*
**

غله وقفک مستحقینی حقنده

معمول بہ وقفیہ خدمہ کیملردن عبارت اولدینی بیان اولندینی صورتدہ اولوجہلہ
عمل اولنمق لازم کلہ جکی کبی وقفیہ بوجہت مین بولندینی تقدیردہ قوام سابقہ
طرفدن غلہ وقف ازقدیم کیملرہ ویریلہ کلکدہ ایسہ آنلرہ اعطا اولنمق لازم کلیر
اولبابدہ .



[*] بوبابدہ مالہ نظارتندن مرسل تذکرہ صورتیدر :

چورومدہ باقرجی اوغلی قزری خدیجہ خاتونک تدریس علوم عالیہ بہ مخصوص انشا اولنہ جق
مدرسہ نک تعمیر و ترمیمی ایچون اجارہ حاصلہ سنی شرط و تعیین ایلہ وقف ایلدیکی منزلندہ شرطک
تبدیل و تغیریخی متولینک رأینہ تعلیمی ایتیمی و نزلکدہ مشرف خراب اولسی حسیلہ دیگر مناسب
برعقار اشترا اولنمق اوزرہ منزل مذکور طاقوز بیک غروش ثمن مقابلندہ باذن شرعی بیم ایدلش
اولدینی بیانیلہ ثمن مذکورک لاجل الارباح ایتم صندوقنہ تسلیمی ایلہ متولینک تقریرینک قبولی
خصوصی چوروم قاضیلکندن ۲۲ رمضان سنہ ۳۳۳ تاریخیلہ اعطا قلنان حجت شرعیہ دہ کوسترلش
اولدینی حالہ محلی اوقاف مأموریتنجه اساس موقوفیت مدرسہ نک تعمیر و ترمیمنہ منحصر اولوب
حجتمہ ذکر اولدینی اوزرہ دیگر برعقار النسنہ مساعد اولمدیغندن بالبحث ثمن مذکورک اوقاف
صندوقنہ تسلیمی خصوصندہ اصرار ایدلکدہ اولدینی چوروم سنجاغی دفتر خاقانی مأموریتندن
اشعار اولنسنہ و حجت مذکورہ مؤداسنہ نظراً اولنہ جق معاملہ نک محلنہ امر و تبلیغیلہ سوی عاجزی بہ دہ
معلومات اعطا بیورایق اوزرہ بوبابدہ مأموریت مذکورہ دن مرسل اوراق مطوباً تقدیم اولنمق
اولبابدہ .